

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA**



GRADONAČELNIK

Broj: 02/14-A-8933 -2019
Tuzla, 01.11.2019. godine

Na osnovu člana 7. Statutarne odluke o organizaciji Grada Tuzle u skladu sa Zakonom o gradu Tuzla („Službeni glasnik Grada Tuzla“, broj: 1/14, 3/15, 7/15, 12/15), a u vezi sa Obavještenjem o zaključcima Gradskog vijeća Tuzla, broj: 01/05-A-7990-2019, od 31.10.2019. godine, sa 38. redovne sjednice Gradskog vijeća Tuzla, održane dana 31.10.2019. godine, Gradonačelnik Grada Tuzla, donosi

O D L U K U
o načinu provođenja javne rasprave

Član 1.

Ovom Odlukom se, u skladu sa odredbama Statutarne odluke o organizaciji Grada Tuzle u skladu sa Zakonom o gradu Tuzla, te u vezi sa Obavještenjem o zaključcima Gradskog vijeća Tuzla, broj: 01/05-A-7990-2019, od 31.10.2019. godine, određuje način provođenja javne rasprave za sljedeće dokumente:

- Nacrt Budžeta Grada Tuzla za period od 01.01.do 31.12.2020. godine i
- Nacrt Odluke o izvršavanju Budžeta Grada Tuzla za period 01.01. do 31.12.2020. godine.

Član 2.

Javna rasprava o dokumentima iz prethodnog člana ove Odluke provest će se najkasnije do 30.11.2019. godine.

Član 3.

Zadužuje se Služba za komunalne poslove, izgradnju i poslove MZ da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2020. godinu sa savjetima mjesnih zajednica i korisnicima Budžeta Grada Tuzla koji su planirani Nacrtom Budžeta u okviru sredstava ove Službe, uključujući i javna komunalna preduzeća.

Član 4.

Zadužuje se Služba za ekonomski razvoj, poduzetništvo i poljoprivredu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2020. godinu u dijelu sredstava koja se odnose na korisnike iz oblasti razvoja, poduzetništva i poljoprivrede, te da u istu uključi javna preduzeća i javne ustanove, čiji je osnivač Grad Tuzla, a korisnici su Budžeta Grada Tuzla.

Član 5.

Zadužuje se Služba za kulturu, sport, mlade i socijalnu zaštitu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2020. godinu u dijelu sredstava koja se odnose na korisnike iz oblasti kulture, sporta, mladih, socijalne zaštite i druga udruženja građana, a korisnici su Budžeta Grada Tuzla.

Član 6.

Zadužuje se Služba za boračko-invalidsku zaštitu, stambene poslove i integraciju raseljenih lica da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2020. godinu u dijelu sredstava koja se odnose na korisnike iz oblasti boračko-invalidske zaštite.

Član 7.

Obaveziju se službe iz članova 3., 4., 5. i 6. ove Odluke da najkasnije do 30.11.2019. godine obrade i sistematizuju primjedbe, prijedloge i sugestije sa provedene javne rasprave, te da Službi za budžet i finansije dostave Izvještaje u pisanoj i elektronskoj formi.

Službe iz stava 1. ovog člana obavezne su Službi za budžet i finansije dostaviti i svoje prijedloge izmjena i dopuna sredstava raspoređenih u Nacrtu Budžeta za 2020. godinu, uzimajući u obzir Izvještaje sa provedene javne rasprave, a vodeći računa o visini raspoloživih sredstava u Budžetu.

Član 8.

Odluka stupa na snagu danom donošenja, a objavit će se na web stranici Grada Tuzla: www.tuzla.ba

GRADONAČELNIK

Jasmin Imamović, dipl.pravnik

